

Vun dr iwer iwer

erscheint auf www.lenauheim.de

monatliche
Erscheinung

November 2016

von *Helen Alba*

Vun Herze kumm – zu Herze gang

Ignaz Bernhard Fischer zum 90. Geburtstag

Jedi Ansprache un Predich, die er halt, kummt vun Herze un find zu de Herze der Zuheerer. Er brauch ke Mikrofon, sei feshti Stimm is bis in de letschte Ecke zu heere. Un es is mucksmeischenstill. Es kummt uns zum Lache un Kreische uf eemol. Er iwermittelt Frohsinn, Lewesfreid, Humor, Kraft... un was ganz wichtich is: Gottvertrauen. Er helft nit nor mit Werter. Ach sei villi guti Taten innerhalb unsrer Gemeinschaft han ne bekannt un beliebt gemacht. Mir alli ehre un eschtimiere ne ach – unsre Jubilar.

Ignaz Bernhard Fischer hat anfangs Oktower 2016 sei 90. Geburtstag im Temeschwarer Adam-Müller Guttenbrunn-Haus gfeiert. Er is am 2. Oktower 1926 in Bakowa uf die Welt kumm. Er war e unerwünschtes Kind. De Vater hat die Familie verloss un der Mutter die Verantwortung for die Kinner iwerloss. Sei Kindheit un Jugendzeit ware nit sehr glicklich. Nitemol 20-jährich is er uf Russland verschleppt gin. Doch sei Glaawe an Gott hat ne die schweri Zeit iwerlewe un hemkehre gelosst. Er hat Theologie studiert un is zum Priester geweiht gin. Doch is er ausm Priesterstand ausgetret un hat 1970 gheirat. Die mit seiner Frau Anneliese verbrungene Johre han ne glicklich un zufrieden gemacht.

Schun seit meh als zwaa Jahrzehnti is Ignaz Bernhard Fischer de Vorsitzender vum Verein der ehemals Russlanddeportierte. Er schreibt un vereffentlicht regelmäblich de „Glaubensbote“. Doch ach sei witzichi Stickle in schwowischer Mundart, in der Pipatsch vereffentlicht un in mehreri Biecher zammfasst, sin bei der Leserschaft sehr beliebt. Jede Sunn- un Feiertach halt er de Gottesdienscht in der Hauskapell vum AMG-Altenheim un hat ach die Seelsorge der Bewohner iwerhol.

Bei der Geburtstachsfeier betont Dr. Johann Fernbach, Vorsitzender vum Demokratische Forum der Deitsche im Banat: „Heit feire mer eene vun de bekannteschte, bedeitendschte un beliebteschte Vertreter unserer deitschi Minderheit: Ignaz Bernhard Fischer. Es is e Mensch mit besondere Eigenschafte“.

Un Ovidiu Gant, Abgeordneter der deitschi Minderheit im rumänische Parlament, fieg derzu: „Es is for mich e grossi Freed, heit do sin zu kenne. Weil heit is e ganz besonderer Tach. Un dass nit nor Temeschwarer sondern ach Landsleit aus anre Banater Ortschafte angereist sin, des is e Zeichen des Reschpekts, der Verbundenheit un Zusammengeherichkeit, der langi Johre in Zusammenarweit mit unserem liewe Ignaz Bernhard Fischer, der immer landesweit jedem helfe tut, der sei Hilfe sucht. Derfor meeht ich Eich, Ignaz Bernhard Fischer, e herzliches Dankscheen saan. Wann ich doher ins Forum kumm, gits immer for mich e besondere Augenblick: Wann Ihr zu mir ins Biro kummt, leichte Eier Aue uf un Ihr saat trucke: `Ich gfrei mich stark, Dich zu gsiehn! Ja un? Wu hascht Dich dann in letschter Zeit rumgetrieb?` Ihr hat immer Interesse an meiner Arweit, was for mich e Auszeichnung bedeit. Ihr sellt ach weiterhin gsund bleiwe un Eier Arweit fortfiehr!“

Es fällt mer grad in, wie Ignaz Bernhard Fischer vor phaar Jahr uf der Bühne vun der Temeschwarer Staatsoper gstann un e Red anlässlich der Heimattäch der Banater Deitsche ghal hat. Selmols hat er uns, die Banater Schwowe, in zwaa Kategorien ingeteelt: Wanderveegl un Standveegl. Wanderveegl sin die Banater Schwowe, die was heit in Deutschland lewe, awer immer wieder gheere hem kumme. Un mir, die wu mer dogeblieb sin, mir sin die Standveegl. Un bei de Heimattäch tun „Wander- un Standveegl mitnaner zwitschre“.